

Broj: 13/04-45-1-920-1/21

Datum: 06.07.2021. godine

Primljeno: 14-07-2021			
Org. jed.	Broj	Priloga	Vrijednost
05/2	-02-	215	21

BOSNA I HERCEGOVINA
FEDERACIJA BOSNE I HERCEGOVINE
VLADA

Generalni sekretarijat Vlade Federacije BiH
n/p mr.sci. Edita Kalajdžić, sekretar Vlade

PARLAMENT FEDERACIJE
DOM NARODA
n/p mr.sci. Izmir Hadžić, sekretar

FEDERALNO MINISTARSTVO FINACIJA
FEDERALNO MINISTARSTVO FINANSIJA
n/p Jelka Milićević, ministrica

PREDMET: Odgovor na delegatsko pitanje, dostavlja se

VEZA: Akt Vlade Federacije BiH broj: 03-04-785/21 od 07.06.2021. godine, Akt Parlamenta Federacije, Doma naroda broj: 05/2-02-215/21 od 01.06.2021. godine i Akt Federalnog ministarstva finansija/financija broj: 05-02-5-4949/21-1 od 14.06.2021. godine

U vezi sa delegatskim pitanjem, koje je, između ostalog, upućeno i Poreznoj upravi Federacije Bosne i Hercegovine, a koje je delegat Isak Ramo postavio na 11. sjednici Doma naroda Parlamenta Federacije Bosne i Hercegovine održanoj 27.05.2021. godine, koje glasi: „Šta se planira uraditi da se profesionalnije i kvalitetnije pomogne preduzećima koja zapošljavaju 100, 200, 300, 500 uposlenika, a ne da se za jedan dan kašnjenja uzme 10%, a priča se da pomažemo...“, dostavljamo sljedeće:

Postavljeno delegatsko pitanje je nejasno i ne odnosi se na nadležnosti Porezne uprave Federacije BiH.

U cilju implementacije Zakona o ublažavanju negativnih ekonomskih posljedica Porezna uprava Federacije BiH je u skladu sa mogućnostima, dostupnim informacijama i finansijskim sredstavima, sa smanjenim brojem zaposlenika zbog pandemije Corana virus, a zbog zaštite zdravlja i života kako zaposlenika Porezne uprave Federacije BiH tako i poreznih obveznika, blagovremeno poduzela i realizovala sve aktivnosti iz njene nadležnosti i propisane odgovornosti.

Porezna uprava Federacije BiH je pripremila sve akte, procedure, upute, akte i podnesake za postupanje poreznih obveznika i zaposlenika Porezne uprave Federacije BiH i izvršila sve operativne aktivnosti na prijemu, obradi, odobrenju, objavi

i informisanju provednih aktivnosti za odobravanje subvencija po osnovu doprinosa za obavezno osiguranje.

Po evidenciji Porezne uprave Federacije BiH, za period april - juni 2020. godine, ukupno je podneseno i obrađeno 61.898 zahtjeva za subvencije po osnovu doprinosa za obavezna osiguranja za mjesece: 04/2020, 05/2020 i 06/2020, od kojih je odobreno 58.470 zahtjeva poreznih obveznika koji su ispunili zakonske uslove ili 94,5% od ukupno podnesenih zahtjeva.

Za subvencije doprinosa za poslovne subjekte nadležnim fondovima socijalnog osiguranja je ukupno uplaćeno 89.798.367,53 KM, od toga za april 2020. godine 38.069.259,64 KM, maj 32.230.050,34 KM i juni 19.499.057,55 KM.

Osim navedenih aktivnosti na odobravanju subvencija Porezna uprava je shodno Zakonu vodila aktivnosti da se ne vrši obračun kamata za neblagovremeno plaćanje javnih prihoda za period 16.03. - 30.07.2020. godine za sve porezne obveznike koji nisu izuzeti Zakonom, zatim aktivnosti na obustavi plaćanja akontacije poreza na dobit i poreza na dohodak, kao i aktivnosti da se zbog neplaćanja javnih prihoda ne raskidaju sporazumi na odgođeno ili plaćanje duga u ratama koje su porezni obveznici zaključili sa Poreznom upravom Federacije BiH.

S aspekta navoda u delegatskom pitanju da kod poreznih obveznika ulaze sve moguće porezne inspekcije ukazujemo kako slijedi:

Inspekcijski nadzor je ispitivanje i utvrđivanje tačne porezne obaveze poreznog obveznika od inspektora ili zaposlenika Porezne uprave ovlaštenih za obavljanje inspekcijskog nadzora, u skladu sa zakonom. Inspektori Porezne uprave Federacije BiH inspekcijski nadzor provode u skladu sa odredbama Zakona o Poreznoj upravi Federacije BiH („Službene novine Federacije BiH“ broj: 33/02, 28/04, 57/09, 40/10, 27/12, 7/13, 71/14 i 91/15), kojim se regulira osnov za primjenu svih poreznih zakona i podzakonskih akata, te definiraju određena prekršajna djela iz oblasti poreza i sankcija za ta djela.

Odabir poreznih obveznika za inspekcijski nadzor, vrši se po sljedećem osnovu:

- Na osnovu procjene rizika i definisanih kriterija za odabir poreznih obveznika za inspekcijski nadzor kroz Godišnji plan inspekcijskih nadzora, u okviru čega je obuhvaćen odabir kroz TAF ADRIS aplikaciju Porezne uprave Federacije BiH, čime se na osnovu definisanih kriterija koji ukazuju na moguća nepoštivanja zakonskih odredbi, automatski vrši odabir rizičnih poreznih obveznika i sačinjava lista obveznika za inspekcijski nadzor;
- Na osnovu informacija, prijava i prijedloga za inspekcijski nadzor, bilo da se radi o eksternim prijavama od strane građana, drugih organa (SIPA, Tužilaštvo, MUP, Sud, itd.) ili internim prijavama podnešenim od strane uposlenika Porezne uprave Federacije BiH, odnosno iniciranim od strane Porezne uprave Federacije BiH na osnovu internih evidencija i saznanja.

Također napominjemo, da je Porezna uprava Federacije BiH u proteklom periodu vodila računa i postupala suptilno prilikom planiranja inspekcijskih nadzora prema poreznim obveznicima sa određenim djelatnostima koje su najviše pogođene

pandemijom Corona virusa, kao što su prevoznicike djelatnosti, turizam, hotelijerstvo itd.

Na iznos porezne obaveze koja nije plaćena u propisanom roku obračunava se zatezna kamata u skladu sa odredbama člana 68. Zakona o Poreznoj upravi Federacije BiH („Službene novine Federacije BiH“ broj: 33/02, 28/04, 57/09, 40/10, 27/12, 7/13, 71/14 i 91/15) i Zakona o visini stope zatezne kamate na javne prihode („Službene novine Federacije BiH“, broj: 48/01, 52/01, 42/06, 28/13, 66/14, 86/15), po stopi od 0,04% za svaki dan kašnjenja, isključujući period obračuna kamate od 16.03.2020. do 30.07.2020. godine shodno Zakonu o ublažavanju negativnih ekonomskih posljedica („Službene novine Federacije BiH, broj: 28/20).

Vezano za pitanje o postavljanju rukovodećih službenika po organizacionim jedinicama Porezne uprave Federacije BiH obavještavamo da se prijem državnih službenika vrši shodno Zakonu o državnoj službi Federacije Bosne i Hercegovine ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj: U-13/16), a konkursnu proceduru provodi Agencija za državnu službu Federacije BiH.

Shodno navedenom proizilazi da je Porezna uprava u okviru svoje nadležnosti bila transparentna, profesionalna i na usluzi poreznim obveznicima za ostvarivanje prava shodno zakonskim propisima.

S poštovanjem,

Dostaviti:

- 1. Naslovu**
- 2. a/a**



DIREKTOR

Mr.sci. Šerif Isović